

ЗӨВЛӨМЖ

№ 92.

Хэнд: Гадаад харилцаа, мэдээлэл, технологийн газарт	
Огноо: 2025.10.06	Утга: “Нийтийн мэдээллийн ил тод байдлын тухай хууль”-ийн хэрэгжилтэд хяналт хийсэн талаар

Компанийн 2025 оны III улирлын байдлаар нийтийн мэдээллийн ил тод, байдлын тухай хуулийн хэрэгжилтэд хяналт, шалгалт хийсэн дүгнэлтэд үндэслэн дараах арга хэмжээг авч, хэрэгжүүлэхийг зөвлөж байна. Үүнд:

1. Цаашид “Нийтийн мэдээллийн ил тод байдлын тухай хууль”-ийн хэрэгжилтийг хангуулах үүрэг бүхий Гадаад харилцаа, мэдээлэл, технологийн газар нь хавсралтад дурдсан мэдээллийг WWW.MTZ.MN цахим хуудсанд хууль тогтоомжид заасан хугацаанд мэдээллийг шинэчлэн байршуулах ажлыг удирдлага зохион байгуулалтаар ханган, ажиллаж, Хяналт шалгалтын тайланд дурдагдсан зөрчлүүдийг арилгаж, зөвлөмжийн биелэлтийг 2025 оны 11 дүгээр сарын 03-ны өдрийн дотор Хяналтын албанд ирүүлэх.

2. Цахим хуудсанд мэдээлэл байршуулахад тухайн мэдээлэл хариуцсан нэгжийн дарга нар болон цахим хуудсанд мэдээлэл байршуулах албан хаагч мэдээллийг шинэчлэн байнгын сайжруулалт хийж, дутуу буруу оруулсан, алдаатай холбоосыг зөвлөмжийн дагуу засаж, байршуулж хэвших.

Хуулийн хэрэгжилтийн тайлангийн дэлгэрэнгүй, дүгнэлтийг хавсралтаар хавсаргав.

Хавсралт 7 хуудастай.

ХЯНАЛТЫН АЛБАНЫ ДАРГА

С.НЯМБАЯР



МОНГОЛЫН ТӨМӨР ЗАМ

*“Монголын төмөр зам” ТӨХК-ийн 2025 оны 3 дугаар улирлын
байдлаар “Нийтийн мэдээллийн ил тод байдлын тухай
хууль”-ийн хэрэгжилтэд хяналт-шинжилгээ үнэлгээ
хийсэн тухай тайлан*

2025 он

Нэг. Ерөнхий зүйл

1.1. Дотоод аудитын зорилго, үндэслэл:

Монгол Улсын Засгийн газрын 2023 оны 49 дүгээр тогтоол, 2025 оны 3 дугаар улирлын байдлаар мэдээллийн ил тод, нээлттэй байдлын тухай хуулийн хэрэгжилтэд дотоод аудит, хяналт шалгалтыг хийж илэрсэн зөрчил дутагдлуудыг засаж сайжруулан хуулийн хэрэгжилтийг ханган ажиллах талаар санал дүгнэлт гаргаж, зөвлөмж боловсруулах.

Дотоод аудитад дараах хууль, дүрэм, журам, эрх зүйн баримт бичгүүдийг удирдлага болгон ажиллав. Үүнд:

“Төрийн хяналт шалгалтын тухай” хууль,

“Нийтийн мэдээллийн ил тод байдлын тухай” хууль,

“Монгол Улсын Засгийн газрын 2015 оны 483 дугаар тогтоолоор баталсан Дотоод аудитын дүрэм”,

Засгийн газрын 2025 оны 43 дугаар тогтоолоор батлагдсан “Байгууллагын үйл ажиллагаа, үр дүнг үнэлж, дүгнэх”, “Үнэлгээ хийх журам”, “Хяналт-шинжилгээ хийх журам”-ыг тус тус үндэслэн дотоод аудит, хяналт шалгалтыг явуулав.

1.2. Дотоод аудитын бүрэлдэхүүн, ажилласан хугацаа:

“Хяналт шинжилгээ, үнэлгээний мэргэжилтэн Л.Ууганцэцэг 2025 оны 09 дүгээр сарын 17-ны өдрөөс 2025 оны 09 дүгээр сарын 18-ны өдрийг дуусталх хугацаанд ажиллав.

1.3. Дотоод аудитад хамрагдсан асуудлууд:

Байгууллагын хэмжээнд 2025 оны 3 дугаар улирлын байдлаар мэдээллийн ил тод, байдлын тухай хуулийн хэрэгжилтийг хэрхэн хангасан талаарх Гадаад харилцаа, мэдээлэл, технологийн газраас ирүүлсэн хэрэгжилтийн тайлан, мэдээлэл. Үүнд:

Нэг. Чиг үүрэг, үйл ажиллагааны стратеги, зохион байгуулалтын талаарх мэдээллийн ил тод, нээлттэй байдал,

Хоёр. Хүний нөөцийн мэдээллийн ил тод, нээлттэй байдал,

Гурав. Төсөв, санхүү, худалдан авах ажиллагааны талаарх мэдээллийн ил тод, нээлттэй байдал,

Дөрөв. Үзүүлж байгаа үйлчилгээний талаар дараах мэдээллийг байнга ил тод, нээлттэй байдал,

Тав. Бусад мэдээллийн ил тод, нээлттэй байдал, тоо батлах, ажлын хэсэг байгуулах, шагнал урамшуулал олгох хүмүүсийн нэрс гэх мэт дээрх мэдээллүүдэд баримт бичгийг хавсаргасан байдал зэргийг шалгав.

1.4. Арга зүй, стандартын талаарх мэдэгдэл:

Засгийн газрын 2025 оны 43 дугаар тогтоолоор батлагдсан “Байгууллагын үйл ажиллагаа, үр дүнг үнэлж, дүгнэх”, “Үнэлгээ хийх журам”, “Хяналт-шинжилгээ хийх журам”-ын 3 дугаар хавсралт, “Нийтийн мэдээллийн ил тод байдлын тухай хууль”-ийн 8 дугаар зүйлийн 8.2, 8.3, 8.4, 8.5, 8.6 дахь хэсэгт тус тус заасны дагуу төрийн үйл ажиллагааг ил тод, нээлттэй байлгах, төрийн үйл ажиллагаанд олон нийтийн хяналтыг бий болгох зорилгоор мэдээлэл хариуцагчийн чиг үүрэг, үйл ажиллагааны стратеги, зохион байгуулалт, хүний нөөц, төсөв, санхүү, худалдан авах ажиллагаа, үзүүлж байгаа үйлчилгээ болон хуулиар хаалттай, хязгаарлалттай гэж тогтоосноос бусад 46 төрлийн мэдээллийг ил тод, нээлттэй байлгах аргаар заасан мэдээллийг хэрхэн цахим хуудсанд байршуулсан байдал, зэрэгтэй танилцаж, холбогдох мэдээлэлтэй тулган баталгаажуулав.

Хоёр.Бодит байдал

2.1. Үндсэн мэдээлэл

“Мэдээллийн ил тод байдлын тухай хууль” үйлчилж эхэлснээс хойш 2023 оноос эхлэн Нийтэд нээлттэй мэдээлэх, хуульд ил тод, нээлттэй байхаар заасан, эсхүл хязгаарлалттай болон хаалттай мэдээлэлд хамаарахгүй мэдээллийг холбогдох хууль, дүрэм, журмыг мөрдөж байршуулан хуульд заасан үндэслэл, журмын дагуу иргэний мэдээлэл хайх, хүлээн авах эрхийг хангах, төрийн үйл ажиллагааг цахим хэлбэрээр явуулах, нээлттэй, ил тод, шуурхай байлгах, төрийн үйл ажиллагаанд олон нийтийн хяналтыг бий болгоход хэрэгжилтийг ханган ажиллаж байна.

Хуулийн хэрэгжилтийн хүрээнд 2025 оны III улирлын байдлаар тус компанийн нийтэлсэн мэдээлэлд 2025 оны 09 дүгээр сарын 17-ны өдөр үнэлгээ хийхэд 5 чиглэлийн 46 арга, хэмжээ хэрэгжүүлэхээс 100 хувь хэрэгжсэн-26, 90 хувь хэрэгжсэн-4, 70 хувь хэрэгжсэн-1, 50 хувь хэрэгжсэн-4, 30 хувь хэрэгжсэн-1, Хэрэгжээгүй-7, Хамааралгүй-3 арга хэмжээ байна.

Нийт хэрэгжилт 77,7 хувьтай бөгөөд “Хангалттай” шалгуур үзүүлэлт, зорилтот түвшиндээ бүрэн хүрээгүй, зохион байгуулалт, хариуцлагыг сайжруулах гэсэн үнэлгээтэй байна.

Тайлант хугацаанд мэдээллийн ил тод, нээлттэй байдлын тухай хуулийн хэрэгжилтэд хийсэн үнэлгээг хавсралтаас харах.

Дүгнэлт:

“Монголын төмөр зам” ТӨХК-ийн “Нийтийн мэдээллийн ил тод байдлын тухай хууль”-ийн хэрэгжилтийг 2025 оны III улирлын байдлаар нийт 46 арга хэмжээний хүрээнд дүгнэхэд хэрэгжилт 77,7 хувьтай байна. Үүнд:

100 хувь хэрэгжсэн-26,
90 хувь хэрэгжсэн-4,
70 хувь хэрэгжсэн-1,
50 хувь хэрэгжсэн-4,
30 хувь хэрэгжсэн-1,
Хэрэгжээгүй-7,

Хамааралгүй-3 нийт 46 арга хэмжээ байна. Нийт хэрэгжилт 77,7 хувьтай бөгөөд “Хангалттай” шалгуур үзүүлэлт, зорилтот түвшиндээ бүрэн хүрээгүй, зохион байгуулалт, хариуцлагыг сайжруулах гэсэн үнэлгээтэй байна.

Шалгуур: “Нийтийн мэдээллийн ил тод байдлын тухай хууль”, Засгийн газрын 2025 оны 43 дугаар тогтоолоор батлагдсан “Байгууллагын үйл ажиллагаа, үр дүнг үнэлж, дүгнэх”, “Үнэлгээ хийх журам”, “Хяналт-шинжилгээ хийх журам”

Шалтгаан: Хуулийн хэрэгжилтийг бүрэн хангаагүй байгаа нь 2025 оны III улирлын байдлаар хийсэн хяналт, шалгалтаар өгсөн зарим зөвлөмжийг хэрэгжүүлээгүй, төрийн үйл ажиллагааг цахим хэлбэрээр явуулах, нээлттэй, ил тод, шуурхай байх, иргэд олон нийтэд мэдээлэл авах боломжоор дутмаг. Компанийн 2025 оны гүйцэтгэлийн төлөвлөгөөний хэрэгжилт бүрэн хангагдахгүй байх зэрэг шалтгаан болж байна.

Гурав. Дүгнэлт

Дүгнэлт 1: Бүлэг-1 Чиг үүрэг, үйл ажиллагааны стратеги, зохион байгуулалтын талаарх мэдээллийн ил тод, нээлттэй байдалд хийсэн үнэлгээ 42 хувьтай, 8.2.1-т заасан үйл ажиллагааны стратеги зорилго, зорилтын мэдээлэл шаардлага хангахгүй, 8.2.2-д заасан Мэдээлэл хариуцагчийн үйл ажиллагаанд хийсэн хяналт-шинжилгээ, үнэлгээ мэдээллийг шинэчлэх, Хуулийн хэрэгжилтийн үр дагаврын үнэлгээний тайлан, Хөгжлийн бодлого, төлөвлөлтийн баримт, бичгийн хэрэгжилтийн

тайлан огт байршуулаагүй, Мэдээлэл хариуцагчаас зохион байгуулах олон нийтийн арга хэмжээний хөтөлбөрт хамаарагдах мэдээлэлд хамааралгүй мэдээлэл байршуулсан.

Дүгнэлт 2: Бүлэг-2 Хүний нөөцийн мэдээллийн ил тод, нээлттэй байдалд хийсэн үнэлгээ 83 хувьтай байна. 8.3.1-д заасан ажлын байрны сул орон тооны талаарх мэдээлэлд хамааралгүй мэдээлэл оруулсан. Хуулийн 8.3.3-д заасан албан хаагч, ажилтны ёс зүйн дүрэмд хамааралгүй мэдээлэл байршуулсан.

Дүгнэлт 3: Бүлэг-3 Төсөв, санхүү, худалдан авах ажиллагааны талаарх мэдээллийн ил тод, нээлттэй байдалд хийсэн үнэлгээ 93 хувьтай хангалттай. 8.5.1-д заасан Үйлчилгээний төрөл, Төлбөр хураамж зохицуулалтын үйлчилгээний хөлсийн хэмжээ зэрэг мэдээллийн холбоосыг шинэчилж оруулах.

Дүгнэлт 4: Бүлэг-4 Үзүүлж байгаа үйлчилгээний талаар дараах мэдээллийг байнга ил тод, нээлттэй байдалд хийсэн үнэлгээ 93,5 хувьтай. Хуулийн 8.6.5, 8.6.6, 8.6.8-д тус тус заасан мэдээлэл дутуу, огт оруулаагүй байгааг нөхөж оруулах.

Дүгнэлт 5: Бүлэг-5 Бусад мэдээллийн ил тод, нээлттэй байдалд хийсэн үнэлгээ 77 хувьтай мэдээлэл дутуу байршуулсан.

“Монголын төмөр зам” ТӨХК-ийн хэмжээнд “Мэдээллийн ил тод байдлын тухай хууль”-ийн хэрэгжилтийн дундаж үнэлгээ 77,7 хувьтай байгаа нь цахим хуудсанд байршуулсан мэдээллийг ил тод, нээлттэй нийтэд үнэн зөв, шуурхай хүргэх байдал бүрэн хангагдахгүй хэлбэр төдий байршуулсан байна.

Дөрөв. Зөвлөмж:

Зөвлөмж 1: Цаашид “Нийтийн мэдээллийн ил тод байдлын тухай хууль”-ийн хэрэгжилтийг хангуулах үүрэг бүхий Гадаад харилцаа, мэдээлэл, технологийн газар нь хавсралтад дурдсан мэдээллийг WWW.MTZ.MN цахим хуудсанд хууль тогтоомжид заасан хугацаанд мэдээллийг шинэчлэн байршуулах ажлыг удирдлага зохион байгуулалтаар ханган, ажиллаж, Хяналт шалгалтын тайланд дурдагдсан зөрчлүүдийг арилгаж, зөвлөмжийн биелэлтийг 2025 оны 11 дүгээр сарын 03-ны өдрийн дотор Хяналтын албанд ирүүлэх.

Зөвлөмж 2: Цахим хуудсанд мэдээлэл байршуулахад тухайн мэдээлэл хариуцсан нэгжийн дарга нар болон цахим хуудсанд мэдээлэл байршуулах албан хаагч мэдээллийг шинэчлэн байнгын сайжруулалт хийж, дутуу буруу оруулсан, алдаатай холбоосыг зөвлөмжийн дагуу засаж, байршуулж хэвших.

Хавсралт 3 хуудастай.

ТАНИЛЦСАН:
ГҮЙЦЭТГЭХ ЗАХИРАЛ

ХЯНАСАН:
ХЯНАЛТЫН АЛБАНЫ ДАРГА

ҮНЭЛГЭЭ ХИЙСЭН:
ХЯНАЛТ, ШИНЖИЛГЭЭ
ҮНЭЛГЭЭНИЙ МЭРГЭЖИЛТЭН

О.БАТЧУЛУУН

С.НЯМБАЯР

Л.УУГАНЦЭЦЭГ